

Itangazo ryihutirwa

Itangizwa ku mugaragaro ry'irushanwa ryiswe 'Andika Rwanda'

Ku itariki ya 20 Gashyantare, Ministeri y'uburezi (MINEDUC), ibinyujije mu Kigo cy'ighugu gishinzwe uburezi mu Rwanda (REB) ifatanyije kandi n'umushinga L3 uterwa inkunga na USAID, ugashyirwa mu bikorwa n'Ikigo gishinzwe guteza imbere uburezi (EDC), no ku bufatanye bwa Drakkar Ltd, igiye gutangiza ku mugaragaro irushanwa ku rwego rw'ighugu ryiswe 'Andika Rwanda,' abazaryitabira bakazarushanwa kwandika inkuru n'imivugo bigenewe abana bo mu mashuri abanza. Iki gikorwa kizabera ku kigo cy'amashuri cya Rugarama gihereye mu Murenge wa Ruhuha, mu Karere ka Bugesera.

Hifashishijwe inkuru n'imivugo byanditswe n'abanyarwanda ubwabo, iri rushanwa rigamije guteza imbere umuco wo gusoma no kwandika no gufasha abana kubona ku buryo bworoshye inkuru n'imivugo byo gusoma.

Kumenya gusoma no kwandika bifite umwanya w'ibanze mu burezi. Niyo mpamvu iki gikorwa kigamije gushyigikira ubushobozi bw'abana bwo gusoma no kwandika, tubagezaho imyandiko (inkuru n'imivugo) y'umwimerere, ishimishije kandi yanditswe n'abanyarwanda ubwabo.

Abana bose bo mu mashuri abanza, ayisumbuye, ndetse n'abandi bantu batari abanyeshuri, bemerewe kwitabira iri rushanwa ryo kwandika inkuru cyangwa imivugo biri mu Kinyarwanda cyangwa Icyongereza, bigenewe abana bo mu mashuri abanza. Abarimu bazaha abanyeshuri bo mu mashuri abanza n'ayisumbuye ibisobanuro bakeneye byose, nyuma azabe ari nabo bakusanya iyo myandiko. Ku rwego rw'Umurenge, Akagari n'Umudugudu, abayobozi b'izo nzego nibo bashinzwe guha ibisobanuro bikenewe abaturage bashaka kwitabira irushanwa. Abo baturage bazageza imyandiko yabo ku biro by'imirenge yabo.

Bane ba mbere ku rwego rw'ighugu muri buri cyiciro—abanyeshuri bo mu mashuri abanza, ayisumbuye, n'abandi batari abanyeshuri—bazahabwa ibihembo birimo mudasobwa ntoya, bazanarihirwa tike yo kuza i Kigali mu muhango wo kwakira ibihembo, no kwitabira inama izabahuza n'abandi banditsi. Ikindi kandi, imyandiko yabo izanonosorwa, ishyirwemo amashusho hanyuma ijyanwe mu icapiro; nyuma REB ikazageza ku mashuri abanza yose ya Leta igitabo gikubiyemo imyandiko izaba yatoranijwe.

Iri rushanwa rigamije kwifashisha inganzo z'abana b'u Rwanda mu gukemura ikibazo gihari cy'ibura ry'ibitabo byo gusoma mu mashuri no baturage basanzwe, abanyarwanda bose, uhoreye ku bana bo mu mwaka wa mbere bakaba bashishikarizwa kwitabira iri rushanwa.

Dr. John RUTAYISIRE
Umuyobozi Mukuru